

SHKALLËT E BESIMTARËVE NË RRUGËTIMIN DREJT ALLAHUT (MEDAARIXH ES-SAALIKIIN)

Mungimi / *el-Gajbeh* / الغيبة

Dr. Hatim el-Haxh

Materiali është përmbledhje e kuptimeve të audio-ligjëratës

<https://buff.ly/2hbVv4T>

Allahu ﷻ tha:

وَتَوَلَّىٰ نُهُمْ وَقَالَ يَا أَسْفَىٰ عَلَىٰ يُوسُفَ

“Ai ua ktheu shpinën dhe tha: ‘Ah, sa shumë më ka marrë malli për Jusufin!’”¹
(Jusuf, 84)

Mungimi² në këtë kontekst ka tri nivele:

Niveli i parë është mungimi i ndjekësit (të shtegut të pastrimit shpirtëror) për të shpëtuar qëllimin nga rrëmbimi që mund t’ia bëjnë lidhjet (me gjëra të ndryshme) dhe nga kapja që mund t’ia bëjnë pengesat gjatë kërkimit të së vërtetës³.

¹ Malli i tij (Jakubit a.s.) për Jusufin dhe mërzia për humbjen e tij e bënë atë të munguar nga incidenti i ri i humbjes së birit tjetër të tij (Benjaminin).

² Kjo ka të bëjë me të qenët i përthithur nga një kërkim deri në pikën e të qenit i munguar nga çdo gjë tjetër. Nëse një nënë rri ulur në një tubim ndërsa është e shqetësuar për fëmijën e saj që gjendet diku tjetër, ajo do të jetë e pranishme në formë, por e munguar shpirtërisht.

³ Kur një kërkues merr udhën e kërkimit të së vërtetës, do të përpiqet të pastrojë qëllimin e tij, të lirohet nga çfarëdo lidhje me ndonjë gjë që do ta ngadalësojë në udhëtim dhe të lëvizë sa më shpejt që të jetë e mundur, në mënyrë që të mos zihet ose të kapet nga pengesat. Kjo do ta bëjë kërkuesin të mungojë nga të gjitha interesimet dhe kërkimet.

Niveli i dytë është mungimi i udhëtarit nga aspektet teknike të dijes⁴, nga defektet në shërbim⁵, dhe nga lëshimet në plogështi⁶.

Niveli i tretë është mungimi i njohësit nga të parët e gjendjeve, të manifestimeve dhe të niveleve (duke gjetur strehë në kështjellën e bashkimit).⁷

⁴ Dija që nuk shoqërohet me gjendje (*haal*), nuk është e dobishme. Dija e jashtme e gjuhës do të përpunohet nga dija e brendshme e zemrës. Ndërsa të tjerët kujdesen për hollësitat e dijes, ai kujdeset për frytet e saj.

⁵ Më e keqja e së cilës është të shohësh shërbimin tënd si arritje personale, jo një dhuratë nga Allahu.

⁶ Ai që vihet në lëvizje nga gjendja në të cilën është, nuk do të kërkojë të bëjë lëshime, sepse nuk përjeton plogështi.

⁷ Bashkimi i tij me të Vetmin mënjanon nga të parët e tij dhe nga interesimi i tij të gjitha gjendjet, format, shenjat treguese, si të brendshmet, ashtu dhe të jashtmet.